

## Prijedlog

Na osnovu člana 13. Zakona o principima lokalne samouprave u Federaciji Bosne i Hercegovine ( "Sl. novine FBiH" broj 49/06 i 51/09), člana 39. Zakona o socijalnoj zaštiti, zaštiti civilnih žrtava rata i zaštiti porodica sa djecom TK" ( "Sl. novine TK" broj 5/12,7/14,11/16, 15/16 i 13/16), člana 4. stav 3. Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje napodručju TK ( "Sl. novine TK" broj 1/10, 9/12, 4/14, 16/14, 7/15, 17/15, 5/16) i člana 6. Statutarne odluke o organizaciji Grada Gradačac u skladu sa Zakonom o Gradu Gradačac, Gradsko vijeće Gradačac na \_\_\_\_ redovnoj sjednici održanoj dana\_\_\_\_\_ donosi

### **ODLUKU**

o uslovima i postupku za ostvarivanja prava na obavezno zdravstveno osiguranje lica u statusu socijalne potrebe na području grada Gradačca

#### Član 1.

Ovom Odlukom utvrđuju se korisnici, uslovi, procedure i nadležnost za rješavanje po zahtjevu za ostvarivanje prava na obavezno zdravstveno osiguranje lica u statusu socijalne potrebe, kao i način obezbjeđivanja uplate sredstava koja se osiguravaju za te namjene.

#### Član 2.

Korisnici prava na obavezno zdravstveno osiguranje su lica u statusu socijalne potrebe, koja pravo na obavezno zdravstveno osiguranje ne mogu ostvariti po nekom drugom osnovu, a imaju prebivalište na području grada Gradačca ( u daljem tekstu: korisnik).

#### Član 3.

Postupak za ostvarivanje prava na obavezno zdravstveno osiguranje pokreće se zahtjevom stranke koja uz isti prilaže dokumentaciju:

- kopiju lične karte
- potvrdu o prebivalištu / CIPS

Zahtjev sa propisanom dokumentacijom se podnosi Javnoj ustanovi Centar za socijalni rad Gradačac koja provodi postupak i rješava u prvom stepenu.

Po službenoj dužnosti Centar za socijalni rad prikuplja dokumentaciju:

- uvjerenje Porezne uprave da lice nije zaposleno niti je zdravstveno osigurano i da nema duga po osnovu zdravstvenog osiguranja i javnih prihoda
- uvjerenje Poslovnice zdravstvenog osiguranja da lice nije osigurano po drugom osnovu.

#### Član 4.

Protiv prvostepenog rješenja JU Centar za socijalni rad Gradačac nezadovoljni korisnik može izjaviti žalbu Komisiji za Statut i opća akta Gradskog vijeća Gradačac u roku od osam dana od dana prijema rješenja.

Član 5.

Pravo na obavezno zdravstveno osiguranje utvrđeno po osnovu ove Odluke se ostvaruje u toku jedne kalendarske godine i traje od dana priznavanja prava, a najduže do 31.12.tekuće godine.

Član 6.

Prijavu, odjavu, obračun i uplatu sredstava nadležnom fondu zdravstvenog osiguranja za osiguranje neosiguranih lica vršiće Centar za socijalni rad Gradačac.

Član 7.

Sredstva potrebna za realizaciju ove Odluke obezbjeđiće se u Budžetu Grada Gradačca, a doznačavaće se na žiro račun Centra za socijalni rad Gradačac.

Za sve pojedinačne transfere JU Centar za socijalni rad Gradačac dostavljaće Gradskoj službi za društvene djelatnosti i BIZ mjesečni izvještaj o utrošku sredstava za ove namjene sa dokazima o uplati.

Član 8.

Ova Odluka stupa na snagu danom objavljivanja u Službenom glasniku Grada Gradačca.

BOSNA I HERCEGOVINA  
FEDERACIJA BOSNE I HERCEGOVINE  
TZLANSKI KANTON  
GRAD GRADAČAC  
-Gradsko vijeće-

Broj: 01- /20.PREDSJEDAVAJUĆI  
Datum,

GRADSKOG VIJEĆA

Kujraković Husein, prof.

## Obrazloženje

Jedno od temeljnih ljudskih prava, pravo na zdravstvenu zaštitu, zagarantovano je svakom pojedincu međunarodnim konvencijama, pa tako i Ustavom Tuzlanskog kantona.

Na temelju Zakona o zdravstvenom osiguranju ("Sl. novine FBiH" broj 30/97,7/02, 70/08 i 48/11) Skupština Tuzlanskog kantona 2010. godine donijela je Odluku o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Tuzlanskog kantona ("Sl. novine TK" broj 1/10,9/12,4/14,16/14,7/15,17/15 i 5/16).

Odlukom o izmjeni Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području TK ("Sl. glasnik TK" broj 5/16) u članu 7. tačka 12, predviđeno je da su obveznici obračuna i uplate doprinosa: "Grad Tuzla i druge općine Tuzlanskog kantona za osobe koje se nalaze u statusu socijalne potrebe, a nisu osigurane po drugom osnovu", a u članu 9. brisan je uslov za ostvarivanje prava na obavezno zdravstveno osiguranje da osobe u statusu socijalne potrebe "nemaju članove porodice koji su dužni da se o njima staraju, odnosno da nemaju nepokretne imovine".

U skladu sa Zaključkom 4. sjednice Gradskog vijeća koje je usvojilo Nacrt Odluke, održana je 30. januara 2020. godine i javna rasprava na kojoj su učešće uzeli predstavnici javnih ustanova Dom zdravlja i Centar za socijalni rad Gradačac, predstavnik Komisije za društvene djelatnosti Gradskog vijeća, nadležne gradske službe, Udruženje "Zemlja djece" iz Tuzle i dr.

Navedeni pravni osnov za zdravstveno osiguranje ranjivih kategorija građana koji ovo pravo ne mogu ostvariti po bilo kojem drugom osnovu ili koji žive u stanju socijalne potrebe, i pravovremeno obezbjeđenje sredstava u Budžetu Grada Gradačca, znači istovremeno odgovornost ali i senzibilnost društvene zajednice za ujedinjavanje prava i pristupa zdravstvenoj zaštiti svim građanima.

Gradska služba za društvene djelatnosti  
i boračko - invalidsku zaštitu